



МОНГОЛ УЛСЫН
ЭРҮҮЛ МЭНД, СПОРТЫН САЙДЫН ТУШААЛ

2015 оны 12 сарын 11 өдөр

Дугаар 487

Улаанбаатар хот

Журам, заавар батлах тухай

Эрүүл мэндийн тухай хуулийн 13 дугаар зүйлийн 13.5 дахь заалтыг үндэслэн
ТУШААХ нь:

1. "Сэргээн засах тусламж, үйлчилгээний журам"-ыг нэгдүгээр, "Сэргээн засах тусламж үйлчилгээ үзүүлэх заавар"-ыг хоёрдугаар хавсралтаар тус тус баталсугай.

2. Батлагдсан журам зааврыг үйл ажиллагаандаа мөрдөн ажиллахыг сэргээн засах тусламж, үйлчилгээ үзүүлэх чиг үүрэг бүхий төр, хувийн хэвшлийн эрүүл мэндийн нийт байгууллагын захирал, дарга нарт үүрэг болгосугай.

3. Уг журам, зааврыг хэрэгжүүлэхэд хяналт тавьж, мэргэжил арга зүйн дэмжлэгээр ханган ажиллахыг Эрүүл мэндийн бодлогын хэрэгжилтийг зохицуулах газар /О.Баяр/-т даалгасугай.

4. Энэ тушаал гарсантай холбогдуулан Эрүүл мэндийн сайдын 2011 оны 444 дүгээр тушаалыг хүчингүй болсонд тооцсугай.


САЙДЫН ҮҮРЭГ
ГҮЙЦЭТГЭГЧ



Ц.ОЮУНБААТАР

081830

Эрүүл мэнд, спортын сайдын
2015 оны 12 сарын 11 өдрийн
487 дугаар тушаалын 1 дүгээр
хавсралт



СЭРГЭЭН ЗАСАХ ТУСЛАМЖ, ҮЙЛЧИЛГЭЭНИЙ ЖУРАМ

Нэг. Нийтлэг үндэслэл

- 1.1 Энэхүү журмын зорилго нь Эрүүл мэндийн тухай хууль болон түүнтэй холбоотой бусад хууль тогтоомжийн хэрэгжилтийг хангах, эрүүл мэндийн байгууллагуудад үйлчлүүлэгч төвтэй, үр дүнтэй, оновчтой сэргээн засах тусламж, үйлчилгээг зохион байгуулахад мэргэжил арга зүйн удирдлагаар хангах, сэргээн засах тусламж, үйлчилгээний тасралтгүй, чанартай, тогтвортой байдлыг хангахад оршино.
- 1.2 Энэхүү журам нь Эрүүл мэндийн тухай хуулийн 15.1 /15.1.6, 15.1.9-өөс бусад/-д заасан улсын болон хувийн хэвшлийн эрүүл мэндийн байгууллагуудад хамаарна.
- 1.3 Сэргээн засах тусламж үйлчилгээ үзүүлж буй эрүүл мэндийн байгууллагууд нь сэргээн засах тусламж, үйлчилгээний үндсэн зарчим, үзэл баримтлалыг мөрдөж ажиллана.

Хоёр. Нэр томъёоны тайлбар

- 2.1 “Сэргээн засах тусламж, үйлчилгээ” гэж өвчин эмгэг, бусад хүчин зүйлийн нөлөөгөөр бий болсон хүний биеийн бүтэц, үйл ажиллагааны алдагдлын улмаас үүссэн үр дагаврыг арилган амьдралын чанарыг дээшлүүлэхэд чиглэсэн урт хугацааны тусламж, үйлчилгээг;
- 2.2 “Эмнэлзүйн сэргээн засах тусламж, үйлчилгээ” гэж эмнэлгийн байгууллагад суурилан хийгдэх тусламж, үйлчилгээг;
- 2.3 “Цочмог үеийн сэргээн засах тусламж, үйлчилгээ” гэж эмнэлэгт суурилсан сэргээн засах тусламж, үйлчилгээ бөгөөд аливаа өвчний хувьд өвдсөнөөс эхлэн нэг сар хүртэлх хугацааг заана;
- 2.4 “Цочмогдуу үеийн сэргээн засах тусламж, үйлчилгээ” гэж эмнэлгийн сэргээн засах тасаг нэгжид суурилсан сэргээн засах тусламж, үйлчилгээ бөгөөд аливаа өвчний хувьд өвдсөнөөс хойших ойролцоогоор 1-6 сар хүртэлх хугацааг заана;

2.5 “Архаг буюу тогтворжих үеийн сэргээн засах тусламж, үйлчилгээ” гэж эмнэлгийн сэргээн засах тасаг нэгжид суурилсан сэргээн засах тусламж, үйлчилгээ бөгөөд аливаа өвчний хувьд өвдсөнөөс эхлэн ойролцоогоор 6 сараас дээш хугацааг заана;

2.6 “Хэвтүүлэн эмчлэх сэргээн засах тусламж үйлчилгээ” гэж үндсэн өвчин эмгэг болон түүний үр дагавраас үүсэх үйл ажиллагааны чадвар алдагдлыг сэргээн засах зорилгоор эмнэлэгт суурилсан сэргээн засах тусламж, үйлчилгээний хэлбэрийг

2.7 “Өдрийн сэргээн засах тусламж, үйлчилгээ” гэж эмнэлэгт хонуулахгүйгээр өдрөөр эмчилгээ, үйлчилгээ хийж явуулах тодорхой нөхцөлийг хангасан эмнэлгийн байгууллагад суурилсан сэргээн засах тусламж, үйлчилгээний хэлбэрийг;

2.8 “Амбулаторийн сэргээн засах тусламж, үйлчилгээ” гэж амбулаторийн нөхцөлд үзүүлэх сэргээн засах тусламж, үйлчилгээний хэлбэрийг;

2.9 “Гэрийн сэргээн засах тусламж, үйлчилгээ” гэж гэртээ гарсан эмчлүүлэгчид сэргээн засах мэргэжлээр мэргэшсэн эмнэлгийн мэргэжилтний үзүүлэх сэргээн засах тусламж, үйлчилгээний хэлбэрийг;

2.10 “Сэргээн засах эмчилгээний хяналтын хуудас” гэж өвчтөний биеийн бүтэц үйл ажиллагаа болон өдөр тутмын амьдралын үйл ажиллагааны чадвар алдагдлын түвшин, сэргээн засах эмчилгээний үр дүнг үнэлэх зорилгоор сэргээн засах тусламж, үйлчилгээ үзүүлэх бүх төрлийн эрүүл мэндийн байгууллагуудад ашиглах үнэлгээний хуудсыг;

2.11 “Сэргээн засах эмчилгээний ерөнхий төлөвлөгөө” гэж өвчин эмгэг, гэмтлийн улмаас алдагдсан биеийн бүтэц үйл ажиллагааны болон өдөр тутмын амьдралын үйл ажиллагааны чадварыг өвчтөн хувь хүн, түүний гэр бүлийн хүсэл, хэрэгцээнд тулгуурлан боломжит дээд түвшинд хүргэх зорилгоор хийгдэх сэргээн засах тусламж, үйлчилгээний төлөвлөгөөг.

Гурав. Сэргээн засах тусламж, үйлчилгээ үзүүлэх зорилго

Сэргээн засах тусламж, үйлчилгээний зорилго нь чадвар алдалттай болсон болон болох эрсдэлтэй хүмүүсийн бие, сэтгэц, нийгмийн харилцаанд дасан зохицох хэрэгцээт мэдлэг чадварыг бий болгосноор тухайн хүний амьдралын чанарыг дээшлүүлэхэд оршино. Сэргээн засах тусламж, үйлчилгээ нь дараах өргөн хүрээтэй зорилтуудыг хангахад чиглэсэн байна:

3.1 Бие эрхтний хэвийн үйл ажиллагааг алдагдахаас урьдчилан сэргийлэх;

3.2 Бие эрхтний хэвийн үйл ажиллагааг алдагдах хурдыг удаашруулах;

3.3 Бие эрхтний алдагдсан үйл ажиллагааг сайжруулах, боломжит дээд хэмжээнд хүртэл нь эргэн сэргээх;

3.4 Одоо байгаа үйл ажиллагааг нь хадгалах;

3.5 Бие эрхтний алдагдсан үйл ажиллагааг орлуулах;

Дөрөв. Сэргээн засах тусламж, үйлчилгээ үзүүлэх зарчим

Хүн өөрчлөгдсөн нөхцөл байдалд дасан зохицох, алдагдсан чадвараа хэвийн болон боломжит дээд хэмжээнд хүргэхэд "суралцах" үйл явцад тулгуурлаж дараах зарчмуудад үндэслэнэ.

- 4.1 Үйлчлүүлэгч бүрийн хувийн онцлогт тохируулсан байх;
- 4.2 Зорилгодоо хүрэх дэс дараалал, үе шаттай байх;
- 4.3 Цогц бүрдэл байх;
- 4.4 Багийн хамтын ажиллагаатай байх;
- 4.5 Гэр бүл, хамт олны оролцоог хангасан байх;
- 4.6 Сэргээн засалт нь өвдсөн цаг мөчөөс эхэлж, нийгмийн харилцаа бүрэн; боломжит дээд хэмжээнд сэргэх хүртэл тасралтгүй байх;

Тав. Сэргээн засах тусламж, үйлчилгээ үзүүлэх эрүүл мэндийн байгууллагын үүрэг, үйл ажиллагаа

5.1 Нийтлэг үүрэг, үйл ажиллагаа

5.1.1 Эрүүл мэндийн байгууллага нь сэргээн засах тусламж, үйлчилгээ шаардлагатай үйлчлүүлэгчийг хүлээн авах, бүртгэх, нэгтгэн мэдээлэх, тайлагнах, тасралтгүй хянах, эмнэлгийн байгууллагын хооронд шилжүүлэх үйл ажиллагааг хэрэгжүүлж ажиллана.

5.1.2 Эрүүл мэндийн байгууллага нь тусламж, үйлчилгээний тасралтгүй байдлыг хангах үүднээс сэргээн засах эмчилгээний хяналтын хуудас болон эмчилгээний ерөнхий төлөвлөгөөг хөтөлж, эмнэлгийн байгууллага хоорондын бүртгэл болон эрүүл мэндийн даатгалын байгууллагын мэдээллийн нэгдсэн санг бий болгож ажиллана.

5.1.3 Эрүүл мэндийн байгууллага нь сэргээн засалч эмч, сувилагч, сэргээн засах чиглэлийн мэргэжилтнүүдээ эмнэлгийн мэргэжилтний тасралтгүй сургалтад тогтмол хамруулж, мэдлэг ур чадвар, хандлагыг дээшлүүлэхэд санаачлага, идэвх чармайлт гаргаж ажиллана.

5.1.4 Эрүүл мэндийн байгууллагын эмч, эмнэлгийн мэргэжилтнүүд нь үйлчлүүлэгч, тэдний гэр бүлийн гишүүдэд үйл ажиллагааны чадвар алдагдал, түүнд хүргэх эрсдэлд хүчин зүйлээс урьдчилан сэргийлэх талаар эрүүл мэндийн боловсрол олгох үйл ажиллагааг тасралтгүй хэрэгжүүлж ажиллана.

5.1.5 Эрүүл мэндийн байгууллага нь сэргээн засах багийн тусламж, үйлчилгээний үндсэн зарчим, үзэл баримтлалыг хэрэгжүүлж, шаардлагатай хүний нөөцийг зөв зохистой бүрдүүлж ажиллана.

5.1.6 Эрүүл мэндийн байгууллага нь сэргээн засах тусламж үйлчилгээнд шаардлагатай орчин, багаж хэрэгсэл, тоног төхөөрөмжийг бүрдүүлж, батлагдсан стандарт, эмчилгээний заавар, удирдамжийг мөрдөж ажиллана.

5.2 Өвөрмөц үүрэг, үйл ажиллагаа

5.2.1 Өрх, сумын эрүүл мэндийн төвд сэргээн засах тусламж үйлчилгээг гэрийн болон өдрийн хэлбэрээр үзүүлж, шаардлагатай тохиолдолд эмчилгээг дараагийн шатны эрүүл мэндийн байгууллагуудад илгээх бичгээр шилжүүлнэ.

5.2.2 Өрх, сум, тосгоны эрүүл мэндийн төв, сум дундын эмнэлэг нь олон нийтэд түшиглэсэн сэргээн засах тусламж үйлчилгээг батлагдсан стандарт, удирдамж, аргачлал, зааврын дагуу үзүүлнэ.

5.2.3 Өрх, сум, тосгоны эрүүл мэндийн төв, сум дундын эмнэлгийн эмч, сувилагч, эмнэлгийн мэргэжилтнүүд нь сэргээн засах тусламжийн чиглэлээр төрөлжсөн мэргэшлийн сургалтад хамрагдаж, тусламж үйлчилгээ үзүүлэх ур чадварыг эзэмшсэн байна.

5.2.4 Аймаг, дүүргийн нэгдсэн эмнэлэг, клиник, амаржих газар, сувилал, бүсийн оношилгоо эмчилгээний төвд сэргээн засах тусламж үйлчилгээг хэвтүүлэн эмчлэх, амбулаторийн болон өдрийн хэлбэрээр үзүүлж, эмчилгээг үргэлжлүүлэх шаардлагатай бол зохих шатны эрүүл мэндийн байгууллагад илгээх бичгээр шилжүүлнэ.

5.2.5 Аймаг, дүүргийн нэгдсэн эмнэлэг, сувилал, бүсийн оношилгоо эмчилгээний төв нь сэргээн засалч эмч, сэргээн засах чиглэлийн мэргэшсэн багийн тусламж үйлчилгээг үзүүлнэ.

5.2.6 Төв эмнэлэг, тусгай мэргэжлийн төвүүд нь тухайн чиглэлүүдээр улсын хэмжээнд сэргээн засах тусламж, үйлчилгээний лавлагаа, мэргэжил арга зүйгээр хангах чиг үүрэгтэй ажиллана.

5.2.7 Энэ үүргийн хүрээнд бусад эрүүл мэндийн байгууллагын сэргээн засах тусламж, үйлчилгээний олон мэргэжилтний багийг сургах, чадавхыг бэхжүүлэх үйл ажиллагааг зохион байгуулна.

5.2.8 Төв эмнэлэг, тусгай мэргэжлийн төвүүд нь тухайн чиглэлүүдээр сэргээн засах тусламж, үйлчилгээний хэвтүүлэн эмчлэх, амбулаторийн болон өдрийн сэргээн засах тусламж, үйлчилгээг зохион байгуулж ажиллана.

5.2.9 Төв эмнэлэг, тусгай мэргэжлийн төвүүд нь сэргээн засах тусламж, үйлчилгээ үзүүлэх өвчин эмгэгийн нэр төрлийн жагсаалт, хөтөлбөр, оношилгоо, эмчилгээний удирдамжтай, түүнийгээ мөрдөж ажиллана.

5.2.10 Эрүүл мэндийн чиглэлээр мэргэжлийн үйл ажиллагаа эрхлэх тусгай зөвшөөрөлтэй хувийн хэвшлийн эмнэлэг, сувилал нь батлагдсан стандарт, удирдамж, бусад хууль эрх зүйн баримтыг мөрдлөг болгон сэргээн засах тусламж үйлчилгээг үзүүлнэ.

Зургаа. Сэргээн засах тусламж, үйлчилгээ үзүүлэх үе шат

Эмнэлзүйн сэргээн засах тусламж, үйлчилгээг дараах үе шатаар тасралтгүй үзүүлнэ.

- 6.1 **Цочмог үе:** Өвчний цочмог буюу эхэн үе, амьдралын чухал эрхтний үйл ажиллагааг дэмжих, өндөр хараа хяналтад хэвтрийн дэглэмээс үүдэлтэй “үл ашиглах хам шинж”-ийн хүндрэлээс урьдчилан сэргийлэх, биеийн үйл ажиллагааг сайжруулахад чиглэгдсэн эрт үеийн сэргээн засалт;
- 6.2 **Цочмогдуу үе:** Өвчний даамжралтыг зогсоох, биеийн үйл ажиллагааны чадвар, өдөр тутмын амьдралын үйл ажиллагааг сайжруулж сэргээхэд чиглэгдсэн илүү эрчимтэй сэргээн засалтын буюу хамгийн боломжит түвшинд хүргэх “идэвхтэй” үе;
- 6.3 **Архаг үе:** Өөрчлөгдсөн нөхцөл байдалдаа дасан зохицох, өдөр тутмын амьдралын үйл ажиллагааны дахин сэргэсэн чадварыг тогтоон барих, хэвийн байдалд ойртуулахад чиглэгдсэн амьдралын зорилгот үйл явцад “суралцах” үе;

Долоо. Сэргээн засах тусламж үйлчилгээний төрөл

Сэргээн засах эмчилгээ нь дараах үндсэн төрлүүдтэй байна.

- 7.1 Сэргээн засалч эмчийн тусламж, үйлчилгээ
 - 7.1.1 Үзлэг, оношилгоо, үнэлгээ, зөвлөгөө
 - 7.1.2 Эмийн эмчилгээ
- 7.2. Сэргээн засах чиглэлийн мэргэжилтний үзлэг, үнэлгээ, зөвлөгөө
 - 7.2.1 Бие бялдар засал
 - o Хөдөлгөөн засал эмчилгээ
 - o Физик эмчилгээ
 - 7.2.2 Хөдөлмөр засал
 - o Үйл ажиллагааны хөдөлмөр засал
 - o Харилцах чадварын хөдөлмөр засал
 - o Танин мэдэхүйн сэргээн засах эмчилгээ
 - o Сэтгэл засал эмчилгээ
 - 7.2.3 Хэл, яриа засал
 - 7.2.4 Протез, ортез, туслах хэрэгслийн засал
- 7.3 Нийгэм, хамт олонд тулгуурласан сэргээн засах тусламж үйлчилгээ
- 7.4 Сэргээн засах сувилахуйн тусламж, үйлчилгээ
- 7.5 Эрүүл мэндийн боловсрол

Найм. Сэргээн засах тусламж, үйлчилгээний оношилгоо, үнэлгээ

- 8.1 Сэргээн засах тусламж, үйлчилгээний оношилгоо, үнэлгээний аргуудад дараах зарчмуудыг баримтална.
 - 7.1.1 Олон улсын хэмжээнд нийтлэг ашиглагддаг байх
 - 7.1.2 Өдөр тутмын практикт ашиглагддаг оношилгооны арга байх
 - 7.1.3 Найдвартай байдал болон хүчин төгөлдөр байдал нь баталгаажсан байх


- 8.2 Сэргээн засах тусламж үйлчилгээний оношилгоо үнэлгээнд дараах аргуудыг ашиглана.
 - 7.2.1 Эмнэлзүйн анагаах ухааны өвчний түүхийн асуумж, биеийн үзлэг, цус, шээс, биохимийн лабораторийн шинжилгээ, зүрхний цахилгаан бичлэг зэрэг үйл ажиллагааны багажийн шинжилгээ, рентген, ЭХО, СТ, MRI, MRA зэрэг дүрсийн шинжилгээний аргууд
 - 7.2.2 Мэдрэл булчингийн бүтэц зүйн шинжилгээ, булчингийн цахилгаан бичлэг зэрэг электрофизиологийн шинжилгээ, алхааны анализ, мэдрэл сэтгэцийн шинжилгээ, хэл ярианы үйл ажиллагааны шинжилгээ зэрэг сэргээн засах анагаах ухааны тусгайлсан үзлэг шинжилгээ, үнэлгээний аргууд
- 8.3 Сэргээн засах тусламж үйлчилгээнд дээрх аргуудыг ашиглан дараах үзүүлэлтүүдийг тодорхойлно.
 - 8.3.1 Биеийн бүтэц, үйл ажиллагааны алдагдлын түвшин
 - 8.3.2 Биеийн үйл ажиллагааны хязгаарлагдмал байдлыг
 - 8.3.3 Чадвар алдагдлын түвшин буюу зорилгот үйлийн хязгаарлалт
 - 8.3.4 Нийгмийн оролцооны хязгаарлагдмал байдлыг
 - 8.3.5 Орчны болон хувь хүний хүчин зүйл
 - 8.3.6 Амьдралын чанарын түвшин

Ес. Сэргээн засах тусламж үйлчилгээний үр дүнг тооцох

Оношилгоо, үнэлгээний үнэн зөв мэдээлэл, сэргээн засах тусламж, үйлчилгээний арга хэлбэрийн оновчтой сонголт, нотолгоонд суурилсан эмнэлгийн сэргээн засах тусламж, үйлчилгээ, нийгэм, хамт олон, гэр бүлийн дэмжлэгт үйл ажиллагаанаас гарах үр дүнг доорх үзүүлэлтүүдийн өөрчлөлтөөр тооцно.

1. Үйл ажиллагааны чадвар сайжирсан байдал
2. Зорилгот үйлийн чадвар сайжирсан байдал
3. Нийгмийн оролцоо сайжирсан байдал
4. Амьдралын чанар сайжирсан байдал
5. Үндсэн эмгэгийн эмчлэгдсэн байдал
6. Хүндрэл, дахилтын байдал

Эрүүл мэнд, спортын сайдын
2015 оны 10 сарын 11 өдрийн
487 дугаар тушаалын 2 дугаар
хавсралт



СЭРГЭЭН ЗАСАХ ТУСЛАМЖ, ҮЙЛЧИЛГЭЭ ҮЗҮҮЛЭХ ЗААВАР

Нэг. Нийтлэг зүйлс

- 1.1 Эрүүл мэндийн байгууллагуудад сэргээн засах тусламж, үйлчилгээ үзүүлэх үйл ажиллагаанд энэхүү зааврыг мөрдөнө.
- 1.2 Сэргээн засах тусламж, үйлчилгээг Эрүүл мэндийн тухай хуулийн 15.1 /15.1.6, 15.1.9-өөс бусад/-д заасан эрүүл мэндийн байгууллагуудад ажиллаж буй сэргээн засах чиглэлээр мэргэшсэн эмнэлгийн мэргэжилтэн үзүүлнэ.
- 1.3 Сэргээн засах тусламж, үйлчилгээг үйлчлүүлэгчийн хэрэгцээнд тулгуурлан шаардлагатай чиглэлээр олон мэргэжлийн багийн тусламж, үйлчилгээг үзүүлнэ.
- 1.4 Сэргээн засах тусламж, үйлчилгээ үзүүлэх эмнэлгийн байгууллагууд нь тусламж, үйлчилгээ авсан үйлчлүүлэгчийн талаарх мэдээллийг анхан шатны бүртгэлийн батлагдсан маягтуудад бүртгэж, сэргээн засах эмчилгээний хяналтын хуудас, ерөнхий төлөвлөгөөг хөтлөх бөгөөд эдгээр бичиг баримт нь байгууллагын болон иргэний эрүүл мэндийн даатгалаас санхүүжилт авах үндсэн баримт болно.

Хоёр. Сэргээн засах тусламж, үйлчилгээ үзүүлэх зохион байгуулалт

- 2.1 Өвчин, эмгэг, гэмтлийг анагаах ухааны үүднээс оношилж, өвчний явц тавиланг үнэлэх, түүнд тохирсон сэргээн засах эмчилгээний жор, үндсэн болон хавсарсан өвчний хүндрэл, дахилт, хоёрдогч эмгэг үүсэх зэргээс урьдчилан сэргийлсэн эмчилгээний төлөвлөгөөг зохиоход сэргээн засалч эмч тусламж, үйлчилгээг нэгдсэн удирдлагаар хангаж ажиллана.
- 2.2 Сэргээн засалч эмч нь сэргээн засах тусламж, үйлчилгээ шаардлагатай өвчтөний үзлэг оношилгоо, үнэлгээ, төлөвлөгөөг сэргээн засах чиглэлийн бусад мэргэжилтний багийн хамтаар шийдвэрлэнэ.
- 2.3 Сэргээн засах тусламж, үйлчилгээ үзүүлэх эмч, эмнэлгийн мэргэжилтнүүд нь үйлчлүүлэгчид өвчний тавилан, явцын талаар тайлбарлаж, сэргээн засах эмчилгээний агуулга, ач холбогдлын талаар таниулж, зөвшөөрөл авч байна.
- 2.4 Сэргээн засах тусламж, үйлчилгээ үзүүлэх эмч, эмнэлгийн мэргэжилтнүүд нь сэргээн засах эмчилгээний зорилго, зорилтыг төлөвлөхөд өвчтөн тэдний гэр бүлийг оролцуулж шийдвэрлэж байна.
- 2.5 Сэргээн засах тусламж, үйлчилгээ үзүүлэх эмч, эмнэлгийн мэргэжилтнүүд нь үйлчлүүлэгч бүрийн хувийн онцлогт тохирсон сэргээн засах эмчилгээний төлөвлөгөөг зохиож, түүний дагуу тусламж, үйлчилгээг үзүүлнэ.

- 2.6 Сэргээн засах эмчилгээний үр дүнг тодорхой хугацаанд үнэлж, шаардлагатай бол төлөвлөгөөнд өөрчлөлт оруулж, засаж сайжруулах үйл ажиллагааг хэрэгжүүлнэ.
- 2.7 Сэргээн засалч эмч, мэргэжилтнүүд нь сэргээн засах тусламж, үйлчилгээ үзүүлсэн өвчтөнг дараагийн эрүүл мэндийн байгууллагад шилжүүлэхдээ сэргээн засах эмчилгээний хяналтын хуудас, эмчилгээний ерөнхий төлөвлөгөөг хөтлөн хүлээлгэн өгч, мэдээллийг хамтран ашиглана.
- 2.8 Сэргээн засах тусламж, үйлчилгээ үзүүлэх эрүүл мэндийн байгууллагууд нь үйлчлүүлэгчийн оношилгоо эмчилгээнд тогтсон нэг ижил үнэлгээний шалгуурыг ашиглаж үнэлгээг хийнэ.
- 2.9 Сэргээн засах тусламж, үйлчилгээ үзүүлэх эрүүл мэндийн байгууллагууд нь сэргээн засах тусламж, үйлчилгээний чанарыг сайжруулахад шаардлагатай бүртгэл судалгааг тогтмол хийнэ.
- 2.10 Сэргээн засах тусламж, үйлчилгээ үзүүлэх эрүүл мэндийн байгууллагууд нь сэргээн засах тусламж үйлчилгээний чанар, үр дүнг үнэлэх шалгууртай байна.

Гурав. Сэргээн засах тусламж, үйлчилгээний үйл явцын дараалал

Сэргээн засах тусламж, үйлчилгээний үйл явц нь дараах дарааллын дагуу тасралтгүй үргэлжилж явагдана.

- 3.1 Сэргээн засалч эмчийн үзлэг, оношилгоо, үнэлгээ, зөвлөгөө
- 3.2 Сэргээн засах чиглэлийн мэргэжилтний үзлэг, үнэлгээ
- 3.3 Сэргээн засах багийн зөвлөгөөн
- 3.4 Сэргээн засах эмчилгээний төлөвлөгөө
- 3.5 Хүн бүрт тохирсон хөтөлбөрийн дагуу сэргээн засах эмчилгээ
- 3.6 Эмчилгээний үр дүнгийн хяналт
- 3.7 Сэргээн засах багийн давтан үнэлгээ

Дөрөв. Сэргээн засах тусламж, үйлчилгээний хэлбэр, хугацаа, давтамж

- 4.1 Физик эмчилгээнээс бусад сэргээн засах эмчилгээний нэг удаагийн хамгийн доод хугацааг 20 минутаас доошгүй байхаар зохион байгуулна.
- 4.2 Сэргээн засалч эмчийн бичсэн эмчилгээний жорын дагуу нэг удаад хоёроос дээш нэр төрлийн эмчилгээг сонгож нэг багц болгож үзүүлнэ.
- 4.3 Хэвтүүлэн эмчлэх сэргээн засах тусламж үйлчилгээг өдөрт 6 хүртэлх цагаар, 7-оос доошгүй хоногоор эрчимтэй үзүүлэхээр зохион байгуулна.
- 4.4 Өдрийн сэргээн засах тусламж үйлчилгээг өдөрт 4 хүртэлх цагаар, 7-оос доошгүй хоногоор шаардлагатай үед үзүүлэхээр зохион байгуулна.
- 4.5 Амбулаторийн сэргээн засах тусламж үйлчилгээг нэг удаад 1 хүртэлх цагаар тодорхой үргэлжлэх хугацаатай шаардлагатай үед үзүүлэхээр зохион байгуулна.
- 4.6 Гэрийн сэргээн засах тусламж үйлчилгээг нэг удаад 2 хүртэлх цагаар нийтдээ 7-оос доошгүй хоногийн үргэлжлэх хугацаатай шаардлагатай үед үзүүлэхээр зохион байгуулна.

Тав. Сэргээн засах тусламж үйлчилгээнд зонхилон хийгдэх оношилгоо, эмчилгээний нэр төрлийн жагсаалт

5.1 Сэргээн засах тусламж үйлчилгээнд зонхилон хийгдэх оношилгоо үнэлгээний сорилын нэр төрөл

Д/д	Оношилгоо үнэлгээний ерөнхий агуулга	Тусгай агуулга	ӨЭМТ, СТЭМТ, СДЭ	Клиник, НЭ, Сувилаал	БОЭТ, ТМТ, ТЭ
1	Өвдөлтийн үнэлгээ:	Өвдөлтийг тодорхойлох тоон хэмжээст үнэлгээ /VAS/	○	○	○
2	Үений далайцын үнэлгээ:	Өвдөлтийн бусад нарийвчилсан стандарт асуумж, үнэлгээ /MPQ/ Гониометрийн үнэлгээ Үений далайцын кинематик үнэлгээ/хөдөлгөөний анализ хийх програм ашиглах/	○	○	○
3	Булчингийн хүчний үнэлгээ:	Изорметрик сорил /ММТ/	○	○	○
	Бүх биеийн тэсвэрлэх чадварын үнэлгээ	Динамометр багажийн сорил Амьсгалын хийн анализи		○	○
4		Хөдөлгөөний ачаалалтай сорил Алхааны сорил (12 минут, 6 минутын сорил)			○
	Өдөр тутмын үйл ажиллагааны үнэлгээ:	Боргийн сорил Бартелийн индекс (BI)	○	○	○
5		Багажтай өдөр тутмын үйл ажиллагааны үнэлгээ (IADL), Катз Үйл ажиллагааны хараат бус байдал (FIM)		○	○
Өвөрмөц болон тусгай сорил үнэлгээ:					
6	Яс булчин, тулгуур эрхтэний үйл ажиллагааны үнэлгээ:	Мэдрэл, яс булчингийн тогтолцооны хэвийн есөлт хөгжил Морфометрийн үнэлгээ Рефлекс	○	○	○

		Мэдрэхүй							
		Тэнцвэр: Статик (Суугаа, Зогсоо)							
		Тэнцвэр: Динамик							
		Эмгэг төрх байрлал							
		Алхаа анализ: Ажиглалт, Кинетик							
		Алхааны анализ: Кинематик							
		Энерги зарцуулалтын анализ							
		Ортез протезийн үнэлгээ							
		Яс булчин, тулгуур эрхтэний бусад өвөрмөц сорилууд							
		Зүрхний цохилт, судасны лугшилт тодорхойлох							
		Амьсгалын тоо							
		Артерийн даралт							
		Захын цусны хүчилтөрөгчийн ханамж							
		Хийн анализ							
		Амьсгалын үйл ажиллагааны сорил							
		Дасгалын эрчим тодорхойлох							
		Алхааны сорил							
		Ачаалал тодорхойлох сорил /Bruce/							
		Зүрх том судасны үйл ажиллаганы бусад өвөрмөц үнэлгээ							
		Булчингийн тонус							
		Булчингийн цахилгаан бичлэг							
		Саа саажилт							
		Байрлалын хяналт							
		Эмгэг төрх байрлал							
		Зүрх том судасны үйл ажиллаганы үнэлгээ:							
7		Тархи мэдрэлийн үйл ажиллагааны үнэлгээ:							
8									

СЭРГЭЭН ЗАСАХ ЭМЧИЛГЭЭНИЙ ХЯНАЛТЫН ХУУДАС

Эмнэлгийн байгууллага	<input type="checkbox"/> 15.1-1 <input type="checkbox"/> 15.1-2 <input type="checkbox"/> 15.1-3 <input type="checkbox"/> 15.1-4 <input type="checkbox"/> 15.1-5 <input type="checkbox"/> 15.1-7 <input type="checkbox"/> 15.1-8 <input type="checkbox"/> 15.1-10 <input type="checkbox"/> 15.1-11 <input type="checkbox"/> 15.1-12											
Эмнэлгийн нэр											
Бүртгэсэн огноо	он	сар	өдөр	хөтөлсөн:				<input type="checkbox"/> Dr	<input type="checkbox"/> Ns	<input type="checkbox"/> PT	<input type="checkbox"/> OT	
Өвчтөний нэр/ID				ID:.....	төрсөн:он.....сар.....өдөр			нас:		<input type="checkbox"/> эр	<input type="checkbox"/> эм	
Нийгмийн байдал	гэр бүл: <input type="checkbox"/> гэрлэсэн <input type="checkbox"/> үгүй		боловсрол: <input type="checkbox"/> дээд <input type="checkbox"/> дунд <input type="checkbox"/> үгүй				ажил эрхлэлт: <input type="checkbox"/> ажилтай <input type="checkbox"/> үгүй					
Гэрийн хаяг											утас:	
Эмнэлэгт	хэвтсэн:он.....сар.....өдөр				гарсан:он.....сар.....өдөр			ор хоног			
Өвчин эхэлсэн огнооон.....сар.....өдөр											
Өвчний онош												
Хавсарсан суурь өвчин ба эрсдэлт хүчин зүйл	<input type="checkbox"/> гипертензи		<input type="checkbox"/> гиперлипидеми		<input type="checkbox"/> диабет		<input type="checkbox"/> таргалалт		<input type="checkbox"/> бөөрний архаг өвчин		<input type="checkbox"/> бусад	
Үйл ажиллагааны чадвар алдагдлын	<input type="checkbox"/> тамхи		<input type="checkbox"/> архи		<input type="checkbox"/> удамшил							
Биеийн бүтэц үйл ажиллагааны алдагдал (давхардаж болно)	<input type="checkbox"/> оюун санаа:		<input type="checkbox"/> танин мэдэхүйн алдагдал:		<input type="checkbox"/> хөдөлгөөний алдагдал:		<input type="checkbox"/> мэдрэхүйн алдагдал:		<input type="checkbox"/> хэл ярианы эмгэг:		<input type="checkbox"/> залгиурын алдагдал	
	<input type="checkbox"/> глазков оноо:		<input type="checkbox"/> ой тогтоолтын эмгэг		<input type="checkbox"/> гүйцэтгэлийн үйл ажиллагааны эмгэг		<input type="checkbox"/> хүрэлцэх		<input type="checkbox"/> дулаан		<input type="checkbox"/> өвдөлт VAS: MPQ:	
үндсэн хөдөлгөөн	<input type="checkbox"/> анхаарал сулралын эмгэг		<input type="checkbox"/> нийгмийн зан үйлийн эмгэг		<input type="checkbox"/> цусны эргэлтын тогтолцооны алдагдал		<input type="checkbox"/> амьсгалын эрхтэний алдагдал		<input type="checkbox"/> ялгаруулах эрхтний алдагдал		<input type="checkbox"/> дуудлага (хэлгүүдэл)	
	<input type="checkbox"/> аймагчлан алдагдал		<input type="checkbox"/> аймагчлан алдагдал		<input type="checkbox"/> аймагчлан алдагдал		<input type="checkbox"/> аймагчлан алдагдал		<input type="checkbox"/> аймагчлан алдагдал		<input type="checkbox"/> аймагчлан алдагдал	
Зорилгот үйл (Хэвтрийн дэглэм барих шалтгаан, эрсдлийн талаар)	<input type="checkbox"/> хэрвэх:		<input type="checkbox"/> бие даасан		<input type="checkbox"/> хагас дэмжлэгтэй		<input type="checkbox"/> бүрэн дэмжлэгтэй		<input type="checkbox"/> бүрэн дэмжлэгтэй		<input type="checkbox"/> бүрэн дэмжлэгтэй	
	<input type="checkbox"/> өндийх:		<input type="checkbox"/> бие даасан		<input type="checkbox"/> хагас дэмжлэгтэй		<input type="checkbox"/> бүрэн дэмжлэгтэй		<input type="checkbox"/> бүрэн дэмжлэгтэй		<input type="checkbox"/> бүрэн дэмжлэгтэй	
Зорилгот үйлийн хязгаарлалт Өдөр тутмын үйл ажиллагаа (Бартелийн индекс)	<input type="checkbox"/> суух:		<input type="checkbox"/> бие даасан		<input type="checkbox"/> хагас дэмжлэгтэй		<input type="checkbox"/> бүрэн дэмжлэгтэй		<input type="checkbox"/> бүрэн дэмжлэгтэй		<input type="checkbox"/> бүрэн дэмжлэгтэй	
	<input type="checkbox"/> босох:		<input type="checkbox"/> бие даасан		<input type="checkbox"/> хагас дэмжлэгтэй		<input type="checkbox"/> бүрэн дэмжлэгтэй		<input type="checkbox"/> бүрэн дэмжлэгтэй		<input type="checkbox"/> бүрэн дэмжлэгтэй	
харилцааны чадвар	<input type="checkbox"/> зогсох:		<input type="checkbox"/> бие даасан		<input type="checkbox"/> хагас дэмжлэгтэй		<input type="checkbox"/> бүрэн дэмжлэгтэй		<input type="checkbox"/> бүрэн дэмжлэгтэй		<input type="checkbox"/> бүрэн дэмжлэгтэй	
	<input type="checkbox"/> бусад:		<input type="checkbox"/> бусад:		<input type="checkbox"/> бусад:		<input type="checkbox"/> бусад:		<input type="checkbox"/> бусад:		<input type="checkbox"/> бусад:	
Нийгмийн оролцооны хязгарлагдмал байдал	<input type="checkbox"/> ажил:		<input type="checkbox"/> мэргэжил(төрөл агуулга):		<input type="checkbox"/> эдийн засгийн байдал:		<input type="checkbox"/> оролцоо (агуулга, давтамж):		<input type="checkbox"/> амралт зугаа(агуулга давтамж):		<input type="checkbox"/> ажилгүй <input type="checkbox"/> өвчний улмаас ажилгүй болсон <input type="checkbox"/> өвчний улмаас чөлөөтэй	
	<input type="checkbox"/> сэтгэл гутрал:		<input type="checkbox"/> сэтгэл санааны цочрол:		<input type="checkbox"/> бусад:							
Орчин	<input type="checkbox"/> хамт амьдардаг гэр бүлийн байдал		<input type="checkbox"/> төрөл төрөгсөд		<input type="checkbox"/> амьдрач буй орчин		<input type="checkbox"/> ашигладаг тээврийн хэрэгсэл					

